

2

~ 16
4035
14



物研圖書
NO. 29119
29.9.9
教授

八16
4035
144



唐韓昌黎集卷第二十九

明橋李蔣之翹輯注



碑誌

唐故朝散大夫商州刺史除名徙封州

董府君墓誌銘


董溪即晉之子也史附晉傳謂誌王承宗

為行營糧料使坐盜軍資澆封州至長沙賜死誌不詳其事止曰歿湘中諱之也公詩有送董溪壻陸暢云我實門下士力薄蚋與蚊受恩不即報承負湘中墳謂溪澆封州歿湘中也公嘗佐董晉幕中觀其銘辭意若在言外云○董溪無事實可述全從傍他人門戶以見其賢然文中紀律亦

韓昌黎集卷第二十九

自嚴

公諱溪字惟溪丞相贈太師隴西恭惠公第
 二子隴西公董晉也生四子全道全濬全素全澥溪即全濬也十九歲明
 兩經獲第有司沈厚精敏未嘗有子弟之過
 實接門下推舉人士侍側無虛口退而見其
 人淡若與之無情者太師賢而愛之父子間
 自為知己諸子雖賢莫敢望之太師累踐太
 官臻宰相致平治終始以禮號稱名臣晨昏
 之助蓋有賴云大或作父非是太師之平汴州師下或無



之字貞元十二年七月以東都審守董晉為宣武軍節度使平鄧惟恭之亂年攷
 益高摯持維綱鋤削荒類納之太和而已其
 囊篋細碎無遺漏繫公之功類音未或作頑類絲節也准
 南子明月之珠不能無類上介尚書左僕射陸公長源齒
 差太師標望絕人聞其所為每稱舉以戒其
 子長源字泳之是歲八月自前楊凝孟叔度
 以材德顯名朝廷及來佐幕府詣門請交屏
 所挾為朝廷或作於朝佐或作在屏所挾為或作屏棄所挾疑自左司郎中為
 檢校吏部郎中觀察判官叔度自殿中
 待御史為檢校金部員外郎度支判官大
 師

薨貞元十一年始以祕書郎選參軍京兆府

法曹選或作遷此日伏階下與大尹爭是

非大尹屢黜已見大或並歲中奏為司錄參

軍與一府政與音以能拜尚書度支員外郎

遷倉部郎中萬年令兵誅恒州成德改度支

郎中攝御史中丞為糧料使元和四年十月

吐突承瓚為鎮州行營格討處置使征王

罷遷商州刺史元和五年七月糧料使有忿爭

相牽告者事及於公因徵下御史獄顯云漢

韓安國傳由此顯結於漢即此義也今按

不與吏辨一皆引伏受垢除名徙封州元和

六年五月十二日歿湘中年四十九州下或

日但於湘中下云若于唐書元和六年

糧料使有忿爭相告言五月溪阜謨皆坐

數千緡勅貸歿流阜謨春州溪封州行至潭

州並遣中使賜歿權德輿傳亦云董溪于阜

謨以運糧使盜軍資流嶺南憲明年立皇太

子有赦令許歸葬元和七年七月立遂王宥

除各非赦令其子居中始奉喪歸元和八年

十一月甲寅葬于河南河南縣萬安山下太

師墓左夫人鄭氏祔公凡再娶皆鄭氏女生
 六子四男二女長曰全正惠而早歿次曰居
 中好學善為詩張籍稱之次曰從直曰居敬
 尚小直下或長女嫁吳郡陸暢其季女後夫
 人之子公之母弟全素孝慈友弟公坐事弃
 同官令歸公歿比葬三年哭泣如始喪者大
 臣高其行白為太子舍人將葬舍人與其季
 弟澥問銘於太史氏韓愈將葬下或有中字
 為是然世系表全素太子中書舍人通典中
 舍云中書舍人又安知全素不自舍人遷

中舍邪此志亦必是未遷時作也○元和八年正月公為比部郎中史館修撰愈則

為之銘辭曰

物以久弊或以輾毀輾音擬○車致致要歸

孰有彼此由我者吾不我者天奇法斯而以

然其誰使然

貞曜先生墓誌銘

先生孟郊也湖州武

私謚之曰貞曜先生以詩名於時唐人謂孟詩韓筆故公誌及銘皆以詩稱之○孟詩寒澁窮僻琢削不寢真若吟而成觀故退之誌中特論之劇自鉢心刃迎縷解云云雖其務去陳言固自本色然往往蹊逕亦如其詩

茅坤曰按孟東野是昌黎生本極厚交而其誌銘處亦不妄許一字只叙交誼之情

唐元和九年歲在甲午八月己亥已或作乙非是或唐

曆是月無乙亥也貞曜先生孟氏卒無子其配鄭氏

以告愈走或作赴位或作逝哭且名張籍會哭

日使以錢如東都供葬事諸嘗與往來者咸

來哭弔嘗或作常韓氏遂以書告與元尹故相餘

慶元和元年三月以故相鄭餘慶為閏月樊

宗師使來弔告葬期是歲閏八月時宗師自太子舍人持母喪在東

都徵銘下或於愈字愈哭曰嗚呼吾尚恐銘者友

也夫與元人以幣如孟氏賻且來商家事或人

作尹為是公於餘慶無稱人之理舉正及異

一書皆不能為訂亦所不解○家事謂孟郊

孟家事又云樊宗師在東都經營孟家事不

帝如已其言大抵與此誌合樊子使來速銘曰不則無以

掩諸幽乃序而銘之先生諱郊字東野父庭

玠娶裴氏女而選為崑山尉生先生及二季

豐郢而卒玠音彬○天寶十年郊生先生生六七年端序

則見長而愈鸞潤而操之內外完好色夷氣

清可畏而親則見或作有法之或作足○茅坤曰奇語歐公梅聖俞誌用此

格及其為詩劇目鉢心劇居衛切鉢時橋切○劇利傷也荀子不

荀篇廉而不刺鉢長刃迎縷解刃或作物鉤章棘

句拍擢胃腎拍音泊或作泊非是胃腎或作皆盡○拍指也括也擢長也廣

韻引周書神施鬼設閒見層出唯其大翫於師乃拍指

詞而與世抹撥抹撥或作採撥○字林抹撥掃滅也漢谷永傳未殺災異

人皆劫劫我獨有餘有以後時開先生者曰吾既擠而與之矣其猶足存邪

幾不十始以尊夫人之命來集京師從進士開或作開擠或作儋年

試既得即去貞元十二年呂渭知

命來選為深陽尉迎侍深上又下或有以字

有投金灑平陵城林薄蒙翳下有積水郊間往坐水旁裴回賦詩而曹務多廢舍自府以

假尉代之分其半俸去尉二年而故相鄭公尹河南奏

為水陸運從事試協律郎親拜其母於門內陸下或有轉字門下或無內字○元和元年

十一月以鄭餘慶為河南尹水陸轉運使李翱分司洛中與郊善

薦之餘慶以為判官母卒五年而鄭公以節領與元軍

試大理評事挈其妻行之與元次于闕鄉元和九年三月以奏為其軍參謀

餘慶為與元尹

元和九年三月以奏為其軍參謀

試大理評事挈其妻行之與元次于闕鄉

餘慶為與元尹

元和九年三月以奏為其軍參謀

試大理評事挈其妻行之與元次于闕鄉

或無之典元三字闕音聞詳見前卷大理評事王君墓誌暴疾卒年六十

四買棺以斂以二人輿歸鄴郢皆在江南鄴

家湖州武康縣湖屬江南十月庚申樊子合凡贈賻而葬

之洛陽東其先人墓左以餘財附其家而供

祀或無而供祀字有以俟將葬張籍曰先生

揭德振華於古有先賢者故事有易名況士

哉或無古有光字或無賢者下十字如曰貞曜先生則姓名

字行有載不待講說而明皆曰然遂用之待

作從非是初先生所與俱學同姓簡於世次為叔

父由給事中觀察浙東曰生吾不能舉汝吾

知恤其家孟簡字幾道元和九年九月簡自

恨簡的銘曰公韓公之學一也

於戲貞曜維執不猗維出不訾維卒不施以

昌其詩首句或無戲字執或作持或無維執

○嘗凡數義集韻云思也毀也思不稱意也

惟前漢書嘗讀與贊同顏師古注多財也

白不少訾則貧也倚亦二義詩那云倚歎歎

也節南山云有實其猗鄭氏注倚也若曰不

猗則無所倚也東野以貧山仕而中立不倚

卒至於無所施為止用昌其詩銘意如是而

已○蘇子瞻嘗舉此以問王定國當昌其身

耶昌其詩也來詩下語不契作詩答之有云

昌身如飽腹飽盡還腹飢昌詩如膏面為人
作容姿不如昌其氣鬱鬱老不衰雖云老不
衰却懷安所之不如昌其志志一氣自隨養
之塞天地孟軻不吾欺公謂東野其詩而
東坡乃云不如昌其志蓋蘇嘗讀孟野
詩有未足當韓豪之句不為所取也

唐故祕書少監贈絳州刺史獨孤府君

墓誌銘

唐書獨孤郁有傳事多出此誌

君諱郁字古風河南人

河南洛陽人

常州刺史贈

禮部侍郎憲公諱及之第二子

獨孤及字至之代宗時官

常州刺史憲公躬承踐行篤實而辨於文勸

飭指誨以進後生名聲垂延紹德惟克舊史公傳

大曆貞元間文士多尚古學鼓揚雄董仲舒

之述作而獨孤及梁肅最稱淵奧愈從其徒

自振於一代君生之年憲公歿世大曆十

月二十九日卒年又與其兄朗畜於伯父氏

而孤與朗育於伯父汜始微有知則好學問

咨稟教飭不煩提諭月開日益卓然早成年

二十四登進士第貞元十一年郁與朗同來

四年郁時故相太常權公掌出詔文筆臨下

時登君於門歸以其子選授奉禮郎望或作

作妻時權德輿為楊於陵為華州署君鎮

中書舍人知制誥

韓昌黎集卷之二十九

國軍判官奏授協律郎或無上文奉禮郎至奏授十八字朋

遊益附華問彌大元和元年對詔策拜右拾

遺元和元年四月應材識兼茂明於體用科中第二辛酉為右拾遺二年兼

職史館兼史館修撰四年遷右補闕詔中貴人承

璫將兵誅王承宗河北君奏疏諫名見問狀

有言動聽其後上將有所相不可於眾君與

起居舍人李約交章指摘事以不行五年遷

起居郎為翰林學士愈被親信有所補助權

公既相君以嫌自列或向書致功員外郎復

史館職元和五年九月德興同平章事郁以

日德興乃有此佳塔因詔宰相高選世族故

杜珠尚岐陽公主然帝猶謂不如德興之得

郁也因拜為政功員外郎充史館修撰判院事七年以政功知制誥

入謝因賜五品服八年遷駕部郎中職如初

權公去相復入翰林元和八年德興罷相丁

九年以疾罷尋遷秘書少監元和九年以疾

秘書少監即閑于郊閑下或有居字十年正

月病遂殆甲午與歸卒於其家贈絳州刺史

年四十或贈絳州刺史又字繫男子二人長

曰某早歿次日天官始十歲有至性聞呼父

官與聞弔客至輒號泣以絕傳云子庠字賢

此云天官女子一人夫人天水權氏贈太子

太保貞孝公皐之承孫承孫字未詳故相今太常

德與之女胤慶配良是似是宜似或作以非

定承上句言胤慶四月巳酉其兄右拾遺朗

以喪東葬河南壽安之甘泉鄉家瑩憲公墓

側家或將以五月壬申遂遂彼謂愈曰子知

吾弟父敢屬以銘久或作與銘曰

於古風灑順而裏方灑布谷切又音博於下

言不應首句爲三字此乃雜言或有此二三

字句也○詩繡衣朱襮謂衣領之在外者不

耀其章其剛不傷戴美世令而年再不羸惟

後之成戴或作載令或作命○戴美世令言

籍亦蘊

唐故虞部員外郎張府君墓誌銘張府君卒

葬之年月日誌皆不書以公祭文我

友歸葬長安公於是乎祭之且誌其

墓時元和十年也○一篇叙事頗清

尚書虞部員外郎安定張君諱季友字孝權
 年五十四病卒東都明年兄子塗與其弟庚
 揆等護柩歸葬長安縣馬額原夫人北海唐
 氏之封明下或無年字或作庚揆前事塗進韓氏
 門伏哭庭下曰叔父且歿幾於不能言矣無
 日張且而言曰吾不可無告韓君別藏而不
 得韓君誌猶不葬也張目或無目字非是○後漢嚴光傳良久張目
 塗為書致吾意已而自署其末與封敢告
 以請愈既與為禮發書云云其末有復諸千

萬永訣八字或無末名日月與封皆孝權述
名下或有與字孝權與余同年進士貞元八年
日月一作月且其世上世有嵩者嘗字文時為車騎
士第八與大將軍鄜城太守卒葬河北謚曰忠公至孝
 權間又世矣孝權太父諱孝先太子通事舍
 人孝先或先父諱庭光贈綏州刺史綏州之卒
 孝權益尚小史下或無綴母曰太原縣君卒
 既葬孝權守墓樹松柏三年而後歸卒上或
縣君選為河南府文學或無去官徐州使

章請為判官授協律郎貞元十六年六月以張建封之子慎為徐

州團練使存權始不痛絕詔下大悔即詐稱疾不

言三年元和初徐使歿存權疾即日已試判

入高等授鄂縣尉鄂胡古切元和十一年十一月惜卒明年故

相趙宗儒鎮荆南以存權為判官拜監察御

史經二十年拜真御史明年分司東臺轉殿中

轉殿中侍御史按皇甫氏子母病不侍至京師求試

職宰相怒曰吾故皇甫氏御史助所善相戲

法侮我皇甫媪何疾媪母老稱也漢書常從王媪武見世意酒衛未

決皇甫母病果歿得解遷雷司虞部員外郎

謂分司也存權為人孝謹與人語恐傷之而特

巖巖有立巖魚切與存權游者極久而獨以其

歿累余可尚也已是為銘此下或注銘山二

唐故檢校尚書左僕射右龍武軍統軍

劉公墓誌銘一本檢校上有金紫光祿大夫字僕射下有兼

御史大夫字統軍下有知軍事上柱國彭城郡開國公食邑二千戶贈潯州大都督字○公既為劉統軍作此誌又為作碑銘碑銘見前二十七卷

○劉昌裔，史傳大畧本此，乃特詳於上官說，一良其間，計斬安國寧謀，是昌裔生年，大，事業自不可不書其名也。茅坤曰：劉為人多，個儻澹宕，而公亦稱之。

公諱昌裔，字先後，本彭城人。曾太父諱承慶，朔州刺史。太父巨敖，好讀老子、莊周書，為太原晉陽令。再世宦北方，樂其土俗，遂著籍太原。之陽，曲曰自我為此邑，人可也。何必彭城也。父訟，贈右散騎常侍。名訟，無理疑避，諱而改。公少好學問，始為兒時，重遲不戲，恒若也。

有所思念，計畫進音及壯，自試以開吐蕃說

干邊將，不售。入三蜀，從道士游。久之，蜀人苦

楊琳寇掠，公單船往說琳感歛，雖不即降，約

其徒不得為虐。琳降，公常隨琳，不去。琳死，脫

身，亾沈浮河朔之間。唐書昌裔傳：入蜀，楊惠

命拜瀘州刺史，署昌裔為佐。惠琳死，客河朔

今按惠琳之亂在夏州，歲月相遠，詳見崔寧

傳。建中中，曲環招起之。新史傳：曲環方攻

環，檄李納指摘切切，納悔恐，動心。恒、魏皆疑

惑，氣懈。建中二年七月，平盧淄青節度使李

正已卒，子納自稱智後，恒謂成德節

度使李惟岳魏謂魏環封奏其本德宗稱焉

博節度使田悅也新史傳為環檄李納劉曉環之會下濮州戰

大齒環上其蒙德宗思之宋州新史李納

白塔救寧陵襄邑一縣並屬宋州新史李納

淄青節度使討之希烈擁眾三萬次許州不

進約納為唇齒以汴州為大梁府治安州為

南關因窺江淮盛兵攻襄邑守將高翼歿之

於是汴滑副都統劉洽等率曲環李克信軍

十餘萬戰白塔不利引還夜入宋州賊驪勝

徑薄寧陵時洽將高彥昭與軍士夾戰斬首

二千級希烈大敗追北擊李希烈陳州城下

至襄邑收賊資糧而還將崔崇暉悉眾

與元年閏十月李希烈遣隴右幽州節度

使曲環將兵三萬救之十一公常在軍間環

敗崇暉於州西擒之以獻

領陳許軍公因為陳許從事

建中二年曲環進檢校工部尚

書兼陳州刺史希烈平敗陳許節度以前後功勞累遷檢校兵

部郎中御史中丞管田副使吳少誠乘環喪

引兵叩城雷後上官說咨公以城守所以能

擒誅叛將為抗拒令敵人不得其便圍解拜

陳州刺史說或作浚與史合擒或作檢非是

少誠引兵薄城浚欲遁去昌裔止曰受詔而

守必其職也況士馬完奮足交賊若堅壁不

戰七日賊氣必衰我以全制之可也浚許諾

賊攻堞壞不得修昌裔密造飛柵聯柵即募

突將千人鑿城以出擊賊走之比還柵已立

收陣遂安兵馬使安國寧謀應賊昌裔以計

斬之名其麾下千人為饗人賞二十練乃伏兵於道令持練者斬一不能脫賊聞解去以功擢說陳許節度使昌裔陳州刺史叛將謂安國盛謀也韓全義敗引軍走陳州求入保公自城上揖謝全義曰公受命詣蔡何為來陳公無恐賊必不敢至我城下明日領騎步十餘抵全義營全義驚喜迎拜歎息殊不敢以不見舍望公改授陳許軍司馬上官說亦拜金紫光祿大夫檢校工部尚書代說為節度使命界上吏不得犯蔡州人曰俱天子人奚為相傷少誠吏有來犯者

捕得縛送曰安稱彼人公宥自治之少誠斬其軍亦禁界上暴者公誌劉昌裔曰少誠慙其庭中人按漢袁盎為吳相告歸道逢丞相申屠嘉下車拜謁丞相從車上謝盎還愧其吏公所謂慙其軍慙也兩界耕桑交跡吏不何問何或作阿或何上有可字皆非是○漢賈誼傳大譴太何衛綰傳不孰何注何即問也又過秦論陳利兵而誰何注問封彭城郡開國公就拜尚書右僕射元和七年得疾視政不時八年三月涌水出他界過其地防穿不補沒邑屋流殺居人拜疏請去職即罪詔

還京師

按史傳昌裔代說為節度也憲宗惡其自立欲名之而重生變宰相李吉甫

甫曰陛下乘人心愁苦可名也遂以韓臯代之至長樂驛知帝意因稱風眩臥第歲中卒

則史與誌少異誌豈為之諱耶即其日與使者俱西大熱且

暮馳不息疾大發左右手轡止之公不肯曰

吾恐不得生謝天子上益遣使者勞問勅無

亟行至則不得朝矣天子以為恭即其家拜

檢校左僕射右龍武軍統軍知軍事十一月

某甲子薨年六十二

其下或有日字下同上為之一日

不視朝贈潞州大都督命郎弔其家

郎下或

明年某月某甲子葬河南某縣某鄉某原公

不好音聲不大為居室於諸帥中獨然夫人

邠國夫人武功蘇氏子四人嗣子先祿主簿

縱學於樊宗師士大夫多稱之長子元一朴

直忠厚便弓馬為淮南軍衙門將

便或作復非是次

子景陽景長皆舉進士葬得日相與選使者

哭拜階上使來乞銘銘曰

提將之符尸我一方配古侯公維德不爽

聲杜霜○詩德音不爽壽考不忘楚我銘不

亾後人之慶慶讀若羌，離騷云慶天悴而來，多與章字協韻，存孫有慶萬壽無疆，黍稷稻梁農夫之慶是也。集韻並入平聲。

唐韓昌黎集卷第二十九終

唐韓昌黎集卷第三十

明樵李蔣之翹輯注

碑誌

唐故監察御史衛府君墓誌銘

不以此得

只祿藥煮黃金一段已便可怪却極有頓挫樊汝霖曰公此誌自與其弟中行別下至可餌以不處造語雄奇所謂唯陳言之務去者也茅坤曰文旨自澹

君諱某字某

或作諱之

中書舍人御史中丞

諱某之子

某或作晏

贈太子洗馬諱某之孫

某或作曠

按元和姓纂晏子長之玄次中立次中行汪彥章云王仲仁本謂此衛中立莫誌中立字退之非家世習儒學詞章昆弟三人俱傳之玄也

父祖業從進士舉君獨不與俗為事樂弛置自便此與字當作以與字云讀去聲非是或疑父

中丞薨既三年與其弟中行別曰若既克自敬勤及先人存趾美進士中行字大受貞續元九年第進士

聞成宗唯服任遂功為孝子在不忘我恨已不及假令今得不足自貫貫音射又音世或作貫作貫我

聞南方多水銀丹砂雜他奇藥燒為黃金可

餌以不灰燒於乃切又音祿說文燒煉也煨也○今於若巧我

我即去遂踰嶺阨阨於華切塞也南出藥貴不

可得以干容帥貞元二十一年五月以帥且房啓為容管經略使

曰若能從事於我可一日具許之得藥試如

方不效曰方良是我治之未至耳雷三年藥

終不能為黃金而佐帥政成以功再遷監察

御史帥遷于桂元和八年四月以從之帥坐啓為桂管觀察使

事免是歲七月啓以罪降為太僕少卿君攝其治歷三時夷

人稱便新帥將奏功君捨去南海馬大夫使

謂君曰幸尙可成兩濟其利君雖益厭然不

能無萬一冀至南海馬大夫總也元和八年十一月以馬總為嶺南

節度使未幾竟歿年五十三子曰某某或作元景微

和十年十二月某日歸葬河南某縣某鄉某

村某縣某鄉某村諸本作伊闕縣伊國鄉高都村於時中行

為尙書兵部郎號名人而與余善請銘或無於字

郎下或銘曰

嗟惟君篤所信信音新○漢武傳李夫人賦

實其要無有弊精神以棄餘賈於人賈音脫

外累自貴珍訊來世述墓文

唐故河南令張君墓誌銘

貞元十九年公與張君同

自監察御史以言事黜張為郴州臨武公為連州陽山二年俱徙江陵至

是張卒公既誌其墓又為文以祭見二十三年卷○張署固始落人公每寫其不得意處讀之時使人鬱鬱

君諱署字某河閒人太父利貞有名玄宗世

為御史中丞舉彈無所避由是出為陳畱守

本鄭所并陳之留邑秦并天下領河南道採

訪處置使開元二十二年十一月數歲卒官

歲一作年皇攷諱郁以儒學進官至侍御史郁或作詢

君方質有氣形貌魁碩長於文詞以進士舉

博學宏詞為校書郎署貞元二年進士第自京兆武功

尉拜監察御史為幸臣所讒幸臣李實也與同輩

韓愈李方叔三人俱為縣令南方時三人俱為監察御史

史貞元十九年冬三人皆以言事得罪貶為縣令詳見題注下二年逢恩俱

徙椽江陵貞元二十一年正月順宗即位半歲

邕管奏君為判官貞元二十一年八月路恕為容管經畧使表署判官

改殿中侍御史不行拜京兆府司錄貞元二十一年

十月李鄜為京兆尹諸曹白事不敢平視

共食公堂抑管促促就哺歎揖起趨去無敢

闕語促促或作早且促如巖巖之促本或作

縣令丞尉良如嚴京兆事以辦治辦或作京兆

改鳳翔尹以節鎮京西請與君俱改禮部員

外郎為觀察使判官元和二年二月以鄜為

使表署帥他遷君不樂久去京師謝歸元和

三月以鄜為用前能拜三原令歲餘遷尚書

刑部員外郎守法爭議棘棘不阿諸本無議

字云晁本校增此二字阿或作捷今按歐公嘗疑此上有脫字不知晁氏以何本校也其文不理當有改處州刺史民俗相朋黨不誑此字故从之殺牛牛以大耗或無不又多捕生鳥雀魚鼈可食與不可食相買賣時節脫放期為福祥君視事一皆禁督立絕視事二字或有事字或無使通經吏與諸生之旁大郡學鄉飲酒喪婚禮張施講說民吏觀聽從化大喜經吏或作經史度支符州折民戶租歲徵縣六千屯比郡承命惶怖立期日唯恐不及事被罪君獨疏言

治迫鎮下民不識蠶桑月餘免符下民相扶攜守州門叫譴為賀豉澧州刺史民稅出雜產物與錢尚書有經數觀察使牒州徵民錢倍經君曰刺史可為法不可貪官害民爾噤不肯從竟以代罷可為法疑必有脫誤或為字當作守觀察使使劇吏案簿書十日不得毫毛罪吏或改河南令而河南尹適君平生所不好者君年且老當日日拜走仰望階下不得已就官數月大不適即以病辭免公卿欲其一至京師君

以再不得意於守令恨曰義不可更辱又奚
 為於京師聞竟閉門歿年六十或無閉門二字君娶
 河東柳氏女二子昇奴胡師將以某年某月
 某日葬某所其兄將作少監管請銘於右庶
 子韓愈昔或作者○李遜赴襄陽愈前與君
 為御史被讒俱為縣令南方者也最為知君
 銘曰
 誰之不如而不公卿奚養之違以不父生以
 而唯其頌頌以世厥聲

鳳翔隴州節度使李公墓誌銘

一本上

字度下有觀察使開府儀同三司檢
 校戶部尚書贈尚書左僕射字○李
 惟簡父寶臣唐史見藩鎮傳而惟簡
 特附見之所載多與誌合○直叙持
 體大

公諱惟簡字某

惟簡或亦作某

司空平章事贈太傅

之子

本太傅李寶臣字輔為

太傅初姓張氏

故

陽張鎰高裔為假子

肅宗時舉恒趙深冀易

定六州戰卒五萬人馬五千匹以歸聽命天子
 嘉之賜姓曰李更其名寶臣立其軍號之

曰成德由是姓李氏名下或有一日字○寶應元年十一月忠志以偽

恒陽節度使挈其所管五州降于河東節度使辛雲京以忠志為成德軍節度使仍統其所管州賜姓

李名寶臣寶臣三子惟太傅薨建中二年正月公兄弟

讓嗣寶臣三子惟公竟奔其家自歸京師及

兄歿家覆有司設防守惟岳叛惟簡以家僮

京建中三年閏正月成德兵馬使王武俊殺惟岳傳首京師德宗拘惟簡於客省防伺甚

峻德宗如奉天守卒出公即馳歸與母韓國

夫人鄭氏拜訣屬家徒隨走所幸道與賊遇

七鬪乃至建中四年十月德宗幸奉天惟簡將赴難謀於鄭鄭曰爾父立功河

朝未識天子不能效忠吾不子汝矣督其行日兄能成王事吾不吝矣乃有功遷太子論

德加御史中丞帝見惟簡厚撫之拜太子論

師討賊頻戰屢捷加御史中丞從幸梁州天黑失道識焦中

人聲得見德宗於盤屋西盤音軒屋音室義

少尹墓誌銘○帝徙山南簡以二十卷典元

失道馳至盤屋西聞中人語問天子所在密

語曰上在此上曰卿有母可隨我邪曰臣以

歿從衛及幸還錄功封武安郡王號元從功

臣可或作何王或作公破之史當作王○四

圖其形御閣而以神威將軍居北軍衛居或作

作御○元從功臣皆久乃加御史大夫丁韓

國憂去官累遷神威大將軍加工刑二曹尚

書天威統軍又改戶部尚書金吾大將軍元

初檢校戶部尚書改爲左有長上萬國俊者

金吾衛大將軍充街使上或作尚新史本作上或作史者非是

勢奪與平人地吏憚莫敢治及公爲金吾典

平人曰久聞李將軍爲人公平庶能直吾屈

卽齋縣牒來見公發視立杖國俊廢之以地

還與平人聞者莫不稱歎於是天子以公材

果可任用治人將兵無所不宐元和六年卽

以公爲鳳翔隴州節度使戶部尚書兼鳳翔

尹五月以惟簡爲鳳翔隴州地與吐蕃接舊

常朝夕相伺更入攻抄人吏不得息公以爲

國家於夷狄當用長筭邊將當承上旨謹條

教蓄財穀完吏農力以俟或作不宐規小

利起事盜恩禁不得妄入其地益市耕牛鑄

鑄鈔鉏斲以給農之不能自具者鑄音博鈔

所鑑切鉏陟初切又仕莖切與耨同斷陟玉
切○詩序乃錢鑄注田器也鉏大鎌也斷太
也丁壯典勵歲增田數十萬畝與或也連八歲

區種俱熟公私有餘販者負入褒斜船循渭
而下晉尾相繼不絕斜余遮切○梁州記萬
石城沂漢上七里有褒

谷南口曰褒北口曰斜長四百七十里
褒水通渭斜水通渭選右界褒斜此也十三
年公與忠武軍節度使司空光顏李光邠寧

節度使尚書劍郭俱來朝上為之燕三殿張
百戲公卿侍臣咸與與音預○唐麟德殿
有三面故曰三殿既

事秘還公因進曰臣幸得宿衛四十餘年今

年老斥外任不勝慕戀願得歿輦下天子加
慰遣焉幸下或無得字斥
或作許或作許還鎮告疾其夏五

月戊子薨年五十五訃至上悼愴罷朝遣郎
中臨弔贈尚書左僕射以其年十一月景申

葬萬年鳳棲原丙申作景遷唐諱也
萬年下或有縣字夫人博

陵郡崔氏河陽尉鎬之孫大理評事可觀之
女賢有法度賢下或
有而字公有四子長曰元孫三

原尉次曰元質彭之濛陽尉曰元立與平慰
曰元本河南參軍皆愿敏好善元立元本皆

崔氏出葬得日嗣子元立與其昆弟四人請
 銘於韓氏曰先人嘗有託於夫子也愈曰太
 傳功在史氏記僕射以孤童囚羈京師卒能
 以忠為節自顯取爵位立名績使天下拭目
 觀父母與榮焉既忠又孝法室銘氏下或無
記字童下
或有子字按崔方進無
者為是孝下或無法字銘曰
 太傅之顯自其躬典僕射童羈孰與之勞遭
 國之難以節自發致其勤艱以復我烈孝由
 忠立爵名隨之銘此玄石維昧之論

唐故中散大夫少府監胡良公墓神道

碑

或無中散大夫良三字又他神道
碑不著墓字惟此有之其文多从

石本疑者別出○按胡良公牛僧孺
撰墓志陳鴻撰論張籍撰行狀歐陽
公集古錄有胡良公碑跋云良者韓
之門人張籍妻父也○通篇述書中
語又是
一格

少府監胡公者諱珣字潤博年七十九以官
 卒明年八月十四日葬京兆奉先夫人天水
 趙氏祔焉八月或作七月無十四日字○唐
奉先縣今為蒲城屬陝西西安府
 其子逞迺巡遇述遷造與公壻廣文博士吳

郡張籍以公之族由行治歷官壽年為書或無

題字或無巡字出下使人自京師南走八千

里至閩南兩越之界上請為公銘刻之墓碑

於潮州刺史韓愈曰胡姓本出安定後徙清

河於今為宗城屬貝州河下或復出清河

九年屬貝州者按姓譜周文王元配太父諱

胡公滿封于陳為周陶正以謚為姓

秀武后時以文材徵為麟臺正字垂拱元年

麟臺書道為父宰臣用進士卒官平陽莫氏令贈

潭州大都督或無公早孤能自勸學立節槩

非其身力不以衣食勸或勤凡一試進士二即

吏部選皆以文章占上第樂為儉勤自刻削

不干人以矯時弊及為富平尉一府稱其斷

決建中四年侍郎趙贊為度支使建中三年

書舍人趙贊為戶部侍郎判度支薦公為監察御史主餽給

渭橋以東軍洗手奉職不以一錢假人賊平

有司或覈羣吏多坐貶或覈或

獨公以清苦能檢飭無漏失遷河南倉曹魏

公賈耽以節鎮鄭滑以公佐觀察事檢校尚

書工部員外郎貞元二年九月以賈耽為

剛直齟齬不阿忤權貴除獻陵令獻陵高祖陵居

陵卞七年市置田宅務種樹為業以自給教

授子弟業下或無以字或併無以貞元十

年吏部大選以公攷選人藝學以勞遷奉先

令以治辨遷尚書膳部郎中改坊州刺史州

經亂無孔子廟公至則命築宮造祭器率博

士生講讀以特如法以祠人吏聚觀歎息下

或有遷舒州刺史州歲大熟麥一莖數穗闈

里歌舞之或無舞攷功以聞遷尚書駕部郎

中數以事犯尚書李異事上或異時主鹽鐵

事富驕恃勢以語丞相丞或由是退公為屬

翔少尹異死遷少大理改少詹事元和十二

年朝廷以公年老能自祇力事職不懈可嘉

拜少府監兼知內中尚百官志少府監從二

尚中尚左明年以病卒或無病公始以進士

孤身旅長安致官九卿為太家七子皆有學

守女嫁各人年幾八十堅悍不衰事可傳載

可謂成德謂或作銘曰銘非是

竭竭胡公既果以方竭竭武壯貌挾藝射科

每發如望望音忌人求於人我已為之自始

訖終不降色辭因官立事隨有可載發跡餽

軍遭讒府界軍或作去居陵下為吏為隱坊舒

之政于茲有斬斬或作守官駕部名昇已屈躋

于少府甚宥秩物昇或作不配其有君子

恥之少府古卿公優止之刻文碑石以顯公

行維公後人無怠嗣慶維公或

唐故相權公墓碑

新舊史皆有權德輿傳所載加詳於誌然

彼謬而此略均自得體末可漫加優劣也唐順之日平叙多用虛說茅坤

日中多句字生蹇處銘可誦

上之元和六年其相曰權公諱德輿字載之

元和又十年九月以德輿同中書門下平章事其本出自殷帝武丁

武丁之子降封於權權江漢間國也權故城在南郡

當陽周衰入楚為權氏按唐韻權始出天水

使關紇尹多權楚滅徙秦而居天水略陽符秦

之王中國其臣有安丘公翼者翼字子良略陽人與太原

王黃俱為符堅謀主堅即為位焉有大臣之

給事中後為右僕射其安丘公言不從堅遂大敗後六世至平涼公文誕子

宜襲事姚秦為黃門侍郎宣襄四世之孫榮隋開府儀同三司郿城郡公榮子文誕為

唐上庸太守荊州大都督長史焯有聲烈

作平涼曾孫諱倕倕音垂○文誕子崇本臣

子倕贈尚書禮部郎中以藝學與蘇源明相

善源明京兆武功人初名預字卒官羽林軍

錄事參軍於公為王父郎中生贈太子太保

諱臯以忠孝致大名臯字士繇天寶末安祿

為從事察祿山有異志詐成奉其母南去及

渡江祿山已反由是名聞天下見新史卓行

去官累以官徵不起代宗徵臯為起居舍

張江淮奏臯節行追謚貞孝是實生公大曆

四月十四日臯卒於潤州公在相位三年元

又年九月相其後以吏部尚書授節鎮山南

元和十一年十月以德輿檢校吏部尚書充山南西道節度使年六十以薨

贈尚書左僕射謚文公以或作六我舊史當

八月以病卒於道茅坤曰獨揭為等

相與享年及謚於直以後繼行次第平生

公生三歲知變四聲知或四歲能為詩七歲

韓昌黎集卷三十一

十一

而貞孝公卒來弔哭者見其顏色聲容皆相
謂權氏世有其人及長好學孝敬祥順貞元
八年以前江西府監察御史徵拜博士貞元初韓
洞黜陟河南府權德輿置幕府復從江西觀
祭使李兼府為判官再遷監察御史府罷八
年正月除太常博士朝士以得人相慶改左補闕章奏
不絕譏排姦佞貞元八年八月司農大卿裴
度支德輿上疏與陽城為助轉起居舍人遂
論其姦不省知制誥貞元十年凡撰命詞九年以類集為
五十卷天下稱其能十八年以中書舍人典

貢士拜尚書禮部侍郎貞元十七年冬以本
年真拜禮薦士於公者其言可信不以其人
布衣不用即不可信雖太官勢人交言不以
以綴意奏廣歲所取進士明經在得人不以
負拘轉戶兵吏三曹侍郎太子賓客貞元二十
六月轉戶部侍郎元初歷兵部吏部復為
侍郎後坐郎吏誤用官缺改太子賓客兵部遷太常卿元和四年天下愈推為鉅人
長德時天子以為宰相參用道德人因拜
禮部尚書同中書門下平章事元和五年宰相裴增瘵疾

九月德興公既謝辭不許其所設張舉撥必

本於寬大以幾教化多所助與與或作爲或

之類是也援助與如後救于頓事維臣謂娛不失其正

中於和節不為聲章因善與賢不矜主已或矜

以吏部尚書留守東都元和八年正月罷

檢校吏部尚書爲東都留守東方諸帥有利病不能自請

者公常與疏陳不以露布不以或無不字復

拜太常元和九年轉刑部尚書攷定新舊令

式為二十編舉可長用或無長字○先是

格勅成三十卷表上留中不出德興請下刑

部與侍郎劉伯芻等攷定復為三十卷十年

十一月奏請其在山南河南勤于選仕治以和

簡人以寧便以疾求還十三年某月甲子遣

薨于洋之白州奏至天子痾傷為之不御朝

善人歿矣某年某月日葬河南北山在貞孝

東五里有某字公由陪屬升列年除歲遷以

至公宰人皆喜聞若已與有無忌嫉者于頓

坐子殺人失位自囚親戚莫敢過門省顧朝

莫敢言者

頓音迪頓下或有者

公將留守東

都

公下或有

為上言曰頓之罪既貫不竟定因

賜寬詔上曰然公為吾行論之頓以不憂

頓上或有子字○元和七年正月司空同本

章事于頓使其子大常丞敏重梁正言求

出鎮正言能漸露敏索其路不得誘其奴支

解之奔涸中事覺頓率其子殿中少監季友

等素服詣建福門請罪頓左遷恩王傳仍絕

朝謁敏流雷州季友等皆貶官八年七月德

與將留守東前後破策進士及庭所策試士

踵相躡為宰相達官與公相先後其餘布處

臺閣外府凡百餘人自始學至疾未病未嘗

下日去書不觀

或無未

公既以能為文辭擅

聲於朝多銘卿大夫功德

能字

然其為家不

視簿書未嘗問有亾費不倚餘

視或作親問

諸本侍作

公娶清河崔氏女其父造嘗相德

宗號為名臣

德或作代攷宰相表非是○德

二月罷既葬其子監察御史璩纍然服喪來

有請

服喪或作喪服或無來字○德

乃作銘

文

或無

曰

權在商周世無不存

無或

滅楚徙秦嬴劉之

間甘泉始侯以及安丘詆訶浮屠皇極之扶

符堅嘗游東苑命沙門道安同輦翼諫曰臣

聞天子法駕侍中陪乘清道而行進止有度

道安毀形賤土不室參穢神輿貞孝之生鳳

鳥不至 此誌中之所不及故特補之 爵位豈多半塗以稅以或壽

破豈多四十而逝惟其不有以惠厥後是生

相君為朝德晉行世祖之文世師之祖或作

作推或 流連六官出入屏毗六官謂吏戶無

作祖 黨無讎舉世莫疵人所憚為公勇為之憚為

憚其所競馳公絕不窺其或作人競或作共

絕或作有非是作絕乃

馬

與上之勇字 孰克知之德將在斯克或刻詩

墓碑以永厥垂

平淮西碑

并序。元和十二年八月宰

兼彰義軍節度使請公為行軍司馬

淮蔡平十一月隨度還朝以功授刑

部侍郎仍詔撰平淮西碑公以吳元

濟之平由度能固帝意故諸將不敢

首鼠遂得平蔡多歸功於指縱者也

而李愬特以先入蔡州擒吳元濟功

居第一為不平之愬妻唐安公主也

出入禁中因訴碑辭不實請令斷其

文更命翰林學士段文昌撰事見舊

史公傳及吳元濟傳文昌文見姚鉉

文粹翹按其文氣骨委弱詞旨靡曼

不堪為公作僕其美惡是不待較而

韓昌黎集卷三十一

碑

明也乃若史臣之贊裴度必取公之
銘曰凡此蔡功惟斷乃成李商隱有
憤韓碑詩長篇有公之斯文不示後
曷與三五相攀追之句蘇軾有臨江
驛小詩淮西功業冠吾唐吏部文章
日月光千載斷碑人膾炙不知世在
段文昌品隆盡之則世固自有公論
矣○高文典冊開闢間有數文字故
昔人論之為平淮西碑是學舜典畫
記是學顧命然畫記可以不作其文
亦未必似則易得與此並較陳無已
曰龍圖孫學士覺喜論文謂退之淮
西碑叙如書錄如詩茅坤曰通篇次
第戰功摹仿史漢而其詞旨特自出
機軸其最好處在得臣下頌美天子
之體○附記李商隱讀韓碑詩元和
天子神武姿彼何人哉軒與義誓將
上雪列聖恥坐法宮中朝四夷淮西

有賊又十載豺狼生羆生羆生羆不據
山河據平地長戈利刃日可麾帝得
聖相相日度賊斫不歛神扶持腰懸
相印作都統陰風慘淡天王旗想武
古通作爪牙儀曹外郎載筆隨行軍
司馬智勇十四萬歟猶虎豹人蔡
縛賊獻太廟功無與比恩不訾帝曰
汝度功第一汝從事愈安為辭愈拜
稽首蹈且舞金石刻畫臣能為古者
世稱大手筆此事不繫於職司當仁
自古有不避言訖屢領天子願公退
齋戒坐小閣濡染太筆何淋漓點竄
堯典舜典字字塗改清廟生民詩文成
破體書在紙清晨再拜鋪丹堦表曰
臣愈昧死上詠神聖功書之碑碑高
三丈字如手負以靈龜蟠以螭句奇
語重喻者少譏之天子言其私長繩
百尺拽碑倒鹿砂太石相磨治公之

斯文若元氣先時已入人肝脾湯盤
 孔鼎有述作今無其器在其離嗚呼
 聖皇及聖相相與煇燦流淳熙公之
 斯文不示後易與三三五相攀追願書
 萬本頌萬過口角流沫右手厭傳之
 七十有三代以為封禪玉檢明堂基
 天以唐克肖其德聖子神孫繼繼承承於千
 萬年敬戒不怠全付所覆四海九州因有內
 外悉主悉臣郭正域曰高祖太宗既除既治
 高宗中睿休養生息至于玄宗受報收功極
 熾而豐物衆地大孽牙其間肅宗代宗德祖
 順致以勤以容大憲適去稂莠丕疇相臣將

臣文恬武嬉習熟見聞以為當然

嫖奴毛切

音背○嫖去也

睿聖文武皇帝既受羣臣朝

帝下或有陛下字非是

○乃致圖數貢或無

元和三年正月受尊號

乃致圖數貢或無

付予有家今傳次在予予不能事事其何以

見于郊廟羣臣震懼奔走率職

或無奔明年

平夏

永貞元年十一月夏綏銀節度留後楊

又明年平蜀

蜀下或有西川字云劉闢

及東川其說非是○永貞元年八月劍南節

度使韋阜卒，行軍司馬劉闢自稱留後。元和元年九月，東川節度使高崇文擒闢，以獻。○
 焦竑曰：唐憲宗以貞元元年八月，即位。是月，劍南西川劉闢自稱留後。十一月，夏綏銀節度留後楊惠琳反。元和元年三月辛巳，楊惠琳伏誅。十月戊子，劉闢伏誅。事皆在元和元年。而退之平淮西碑云：明年平夏，又明年平蜀。蓋誤也。故新唐書載此碑，削去明年平夏句。又明年平江東，元和二年十月，鎮海軍節度使李錡反。大將張子良，元和二年三月，鎮州節度使吐突承璀執昭義節度使盧從，元和八年十月，義成節度使送京師。遂定易定，元和八年十月，義成節度使歸于。致魏博貝衛澶相，澶音蟬。○元和七年，使田弘正以所管六州歸于。有司澶澶無不淵也。說文：澶，淵水。在宋左氏盟于澶淵。

從志皇帝曰不可究武子其少息充或九年

蔡將灰蔡人立其子元濟以請不許元和九年

月彰義節度使吳少陽卒其子元濟攝蔡州刺史史匡喪以病聞自領軍務表請主兵上不許

遂燒舞陽犯葉襄城以動東都放兵四劫

城上或有三等字非是皇帝歷問于朝一二臣

外臣外或作外臣或無外字皆非是按此句

非獨外臣也若作一二臣則當時舉朝之臣

皆以爲不可耳作臣外者得之

皆曰蔡帥

皆以爲不可耳作臣外者得之

皆曰蔡帥

皆以爲不可耳作臣外者得之

皆曰蔡帥

皆以爲不可耳作臣外者得之

皆曰蔡帥

之不廷授于今五十年師或作師于或作於傳三姓四

將廣德元年七月以李忠臣為淮西節度使貞元二年四月以陳奇十月以吳少誠為

之是為三姓大曆十四年三月忠臣為其將李希烈所逐自為節度忠臣希烈少誠少陽

是為四將其樹本堅兵利卒頑不與他等因撫而

有順且無事太官臆決唱聲萬口和附并為

一談牢不可破并或作併○茅坤曰思與氣俱屬雋偉皇帝曰

惟天惟祖宗所以付任予者庶其在此予何

敢不力況一二臣同不為無助天上或有不夫字非是或無

何字不上或有固字曰光顏汝為陳許帥元

九年十月以陳州刺史李光顏為維是河東

魏博邵陽三軍之在行者汝皆將之或作涇

非是元和十年正月命宣武等十六道進軍討元濟以光顏等分掌行營二月命神策

軍邵陽鎮退將索日進以涇原兵六百人龔李光顏邵陽左馮翊邵陽縣○虞集曰以下

根次如書曰重胤汝故有河陽懷今益以汝

元和九年閏八月以河陽節度使烏重胤為汝州刺史充河陽懷汝節度使徙魏汝州

維是朔方義成陝益鳳翔延慶七軍之在行

者汝皆將之延慶或作鄜延寧慶○義成管

延屬鄜坊丹延節度使弘汝以卒萬二千屬

而子公武往討之

屬下或有集字或在公武下皆非是○元和十年九月

月以宣武節度使韓弘為淮西諸軍都統弘請使子公武以兵萬三千會蔡下歸賊與糧

以濟○白文通汝守壽元和十年二月以左金諸軍團

州團練使維是宣武淮南宣歙浙西四軍之行于

壽者汝皆將之○西下或有徐泗字四或作

道古汝其觀察鄂岳元和十一年以黔州觀

察使李道古為鄂岳觀使曰愬汝帥唐鄧隨各以其兵進嚴

元和十一年十月以太子詹事李

勣為唐鄧隨節度使曰度汝長御史其往視

師謂度為御史中丞故云長元和十年又曰

度惟汝子同汝下汝遂相予以賞罰用命

不用命元和十年六月以度為曰弘汝其以

節都統諸軍節下或有度字諸或作討引左

作討則秦之果刻石自有遂發討師之詔而

晉官有都督征討諸軍事皆足為證不必引

左傳却不相似也但公所作韓弘碑但云都

統諸軍則作討者為誤矣不可偶有夢證

而強引以曰守謙汝出入左右汝惟近臣其

往撫師汝惟或作惟汝○元和十一年十一月

其曰度汝其往衣服飲食予士無寒無飢以

既厥事遂生蔡人或無服飲字或無服字有

韓昌秀身卷三

三

無無字。詞意歸重。賜汝節斧通夫御帶衛

卒三百元和十一年八月度赴淮西詔以凡

茲廷臣汝擇自從惟其賢能無憚大吏元和

年七月度以宰相出為淮西宣慰處置使度

奏刑部侍郎馬總為副使右庶子韓愈為行

軍司馬判庚申予其臨門送汝度行上御通

官書記曰御史予閱士大夫戰甚苦自今以往非郊

廟祠祀其無用樂或無其字。歸有顏胤武

合攻其北大戰十六得柵城縣二十三降人

卒四萬或無人字此謂降其民與卒也故下

夏公語道古攻其東南八戰降萬三千或有

卒再入申破其外城元和十一年道古文通

戰其東十餘遇降萬二千愬入其西得賊將

輒釋不殺元和十一年五月淮西騎將李祐

率士卒刈麥於張柴村李愬營用其策戰比有功比或作

虞候史用誠生擒順之日叙諸將會戰次第唐十二年八月丞相

度至師都統弘責戰益急顏胤武合戰益用

命元濟盡弁其衆洄曲以備師或作帥非是

與史合之四月蔡人董昌餘以郾城降李光

顏引兵入據之元濟甚懼時董重質將騎軍

守洞曲元濟悉發親近及守城卒詣十月壬
 重質以拒之○歸重度意又見於此
 申愬用所得賊將自文城因天大雪疾馳百
 二十里用夜半到蔡破其門取元濟以獻盡
 得其屬人卒馳或作走辛巳丞相度入蔡度建章義軍節
 將降卒萬餘人入城以皇帝命赦其人淮西平大饗資
 功師還之日因以其食賜蔡人書成功亦見歸重度意
 凡蔡卒三萬五千其不樂為兵願歸為農者
 十九悉縱之斬元濟京師願下或無歸字濟
 十一月丙戌朔御典安門受淮西之冊功弘加
 爵以元濟徇兩屯斬於一獨柳樹

侍中想為左僕射帥山南東道制加想檢校尚書左僕射

襄州刺史充山南東道節度襄鄧顏胤皆加

隋唐復鄧均房觀察使涼國公顏胤皆加

司空李光顏烏重胤並檢校司空光公武以

徵騎常侍帥鄜坊丹延以宣武軍都虞候韓

常侍鄜州刺史鄜遣古進大夫文通加散騎

中丞故不丞相度朝京師遣封晉國公進階

金紫光祿大夫以舊官相或無道字或作進

京師十二月制旭彰義軍節度申光蔡蔡使充淮西官慰處置等使朝議大夫門

侍郎平章事兼蔡州刺史飛騎尉裴度全裴度光祿大夫依前門下侍郎弘文館大學士仍賜上柱國封晉國公食邑三千戶而以其副總為工部尚書

領蔡任以蔡州留後馬總檢校工部尚書既還

奏羣臣請紀聖功被之金石皇帝以命巨愈

或無以字臣愈再拜稽首而獻文曰

唐承天命遂臣萬邦邦或作左孰居近土襲盜以

狂往在玄宗崇極而地或在或作居云唐人多

艸書之誤說見十一二河北悍驕安史既平燕趙魏相繼而起

河南附起謂汴蔡之屬四聖不宥屢興師

征四聖謂肅宗代宗德宗順宗也有不能剋益戍以兵夫耕

不食婦織不裳輸之以車為卒賜糧外多失

朝曠不獲狩百隸怠官事其舊或作百隸怠官

或作官帝時繼位顧瞻咨嗟指憲惟汝文武

孰恤予家既斬吳蜀旋取山東吳蜀或作蜀吳取或作出

魏將晉義六州降從淮蔡不順自以為強提

兵叫譟欲事故常始命討之遂連姦鄰陰遣

刺客來賊相臣元和十年六月宰相武元衡

由突出方戰未利內驚京師羣公上言莫若

惠來公或帝為不聞與神為謀乃相同德以

諫天誅乃或作乃救顏胤翹武古通成統於

弘謂以韓弘各奏汝功奏或作三方分岐方

即上所古攻其東南文通其北道也五萬其師大軍

北乘厥數倍之常兵時曲元和十年又十月光

典軍士蠢蠢既薊陵雲元和十一年九月蔡

卒大窘勝之郢陵郢城來降勝或作遂自夏

入秋復屯相望入或作及兵頓不勵告功不

時帝哀征夫命相往釐士飽而歌馬騰於槽

寫得細試之新城賊遇敗逃盡抽其有聚以

防我西師躍入遣無留皆領額蔡城其壘千

里額與額同壘或作疆○書圖既入而有莫

不順侯帝有恩言相度來宣誅止其魁釋其

下人釋其或蔡之卒夫投甲呼舞蔡之婦女

迎門笑語蔡人告飢船粟往哺蔡人告寒賜

以絹布賜以或作始時蔡人禁不往來今相

從戲里門夜開始時蔡人進戰退戮今昨而

起左殮右粥肝或作眠殮或作餐舊本皆作

殮今按還子授子之蔡今傳云

祭餐也史記餐未及下咽酒未及及濡唇漢書
 給其裨將傳餐則餐字亦有義公祭鄭夫人
 文念寒而衣念飢而餐同為之擇人以收餘
 德收或選吏賜牛教而不稅蔡人有言始迷
 不知今乃大覺羞前之為郭正城曰自此下
皆用蔡人語或動
 國蔡人有言天子明聖不順族誅順保性命
 汝不吾信視此蔡方孰為不順往斧其吭古
切
 凡叛有數聲勢相倚吾強不支汝弱奚恃
 其告而長而父而兄汝父兄奔走僭來同我
 太平借來或淮蔡為亂天子伐之既伐而飢

天子活之始議伐蔡鄉士莫隨既伐四年小
 大並疑不赦不疑由天子明凡此蔡功惟斷
 乃成此二句是既定淮蔡一作淮
蔡既定四夷畢來
 來力知切左傳于遂開明堂坐以治之茅
思于思堯甲復來
 日頌亦淋漓縱橫並合繩斧

唐韓昌黎集卷第三十終

[Faint bleed-through text from the reverse side of the page]

唐韓昌黎集卷第三十一

明橋李蔣之翹輯注

碑誌

南海神廟碑

神或作東此碑石刻其首

袁州刺史韓愈撰使持節循州諸軍事守
事守循州刺史陳諫書并篆額其後
云元和十年十月一日建歐陽修
云昌黎集類多訛外惟南海碑不舛
者以石刻人家多有故也石刻與刊
本異者今注于下○蘇軾嘗移書揚
康公使遷廟文登因古廟而新之揚
不從故蘇詩云退之仙人也游戲於
斯文笑談出奇偉鼓舞舞南海神即此
○其文莊雅故自佳然中間自公遂

陞舟至又穀胥熟一段詞采絢爛殊非昌黎本色黃震曰多雋語劉辰翁曰下篇以事神治人立意故冠冕正大茅坤曰神采燁然郭正域曰特以祀事為案海神固不可知也得體

海於天地間為物最鉅自三代聖王莫不祀事破於傳記而南海神次最貴在北東西三神河伯之上號為祝融太公金匱云南海之神曰句芒北海之神曰顓頊西海之神曰蓐收又按東海神名阿明南海視融西海巨乘北海禺強亦見養生雜書然公言南海神次最貴則是據太公書矣○起得鄭重亦極爽朗郭正域曰天寶中天子以為古爵莫貴於公

侯故海嶽之祝犧幣之數放而依之所以致崇極於大神今王亦爵也而禮海嶽尚循公侯之事虛王儀而不用非致崇極之意也由是冊尊南海神為廣利王祝或作祀○天寶十載正月封東海廣德王南海廣利王西海廣潤王北海廣澤王冊詔也祝號祭式與次俱昇昇或作升○武德貞觀之制四海年別界都督刺史充至是封王分命卿監十三人取三月十七日一時備禮兼冊制祭其祭儀具開元禮因其故廟易而新之在今廣州治之東南海道八十里扶胥之口黃木之灣常以立

夏氣至命廣州刺史行事祠下事訖驛聞而
 刺史常節度又嶺諸軍仍觀察其郡邑唐制嶺南
為三府而嶺南節度使觀察四府事於南方事無所不統地大
 以遠故常選用重人既貴而富且不習海事
 又當祀時海常多大風將往皆憂感既進觀
 顧怖悸故常以疾為解而委事於其副其來
 已久解或作離故明官齋廬上雨旁風無所蓋障
 牲酒瘠酸取具臨時水陸之品狼籍遵豆薦
 裸興俯不中儀式吏滋不供神不顧享盲風

怪雨發作無節人蒙其害滋或作茲供石本
云字見呂覽非是按石本只作育月令育風
至注疾風也山海經符陽之山多怪雨風雲
之所也元和十二年始詔用前尚書右國子祭
 酒魯國孔公為廣州刺史兼御史大夫以殿
 南服殿丁練切○天寶十一載七月以孔戣
按戣傳先是奉詔禱南海神多令從事代祠
戣每受詔自犯風波而往韓愈在潮州作詩
以美之傳所謂公正直方嚴中心樂易祇慎
 所職治人以明事神以誠內外畢盡不為表
 襮襮蒲報切又音博至州之明年將夏祝冊

自京師至，吏以時告公，乃齋戒，視冊誓羣。有司曰：冊有皇帝名，乃上所自署，其文曰：嗣天子某謹遣官某敬祭。其字或作且，字按其義則且字宜有。然石本無之，不欲增也。官上或有其字，亦不本無之，或以為用左傳其官臣偃之語。唐制岳瀆以上視版御署附，中使送其恭且嚴往。茅坤曰：詳冊文頓覺生色。

如是，敢有不承。明日，吾將宿廟下，以供晨事。明日，吏以風雨白不聽。於是州府文武吏士凡百數交謁，更諫，皆揖而退。公遂陞舟，風雨少弛，權夫奏功，雲陰解駁，日光穿漏，波伏不

輿省牲之夕，載賜載陰，將事之夜，天地開除。

月星明，概概，几利切。又古愛切。或作概，非是。說文：概，稠也。選：何晏景福殿賦：概若幽星。又鼓既作，牽牛正中。月令：季春之月，且牽牛中。

上文言立夏行，公乃盛服執笏，以入，即事。文

武實屬俯首聽位，各執其職，牲肥酒香，尊爵

靜潔，降登有數，神具醉飽。具或作其。海之百靈，祕

怪慌惚，畢出，蜿蜿蛇蛇，來享飲食。慌或作恍，蛇與蛇同。

音移蛇地，或作蛇，或作蛇，或作蛇，或作蛇。云當从碑本，作地，享或作慕。闔廟旋，

送，飄音盧，與帆同。旗燾旄，麾飛揚，瞻藹音掩，藹於蓋。

韓昌黎集卷三十一

切○瞻日無光藹木鑊鼓嘲轟高管噉諫噉
 繁茂也選芳風瞻藹噉用切諫桑到切○鏡似鈴無舌有柄周禮武
 以金鏡止鼓是也噉吼也諫羣呼繁擾也武
 夫奮權工師唱和容龜長夙踊躍後先乾端
 坤倪軒豁呈露祀之之歲風災熄滅人厭
 蟹又穀胥熟祀石本作祀非是○張表臣曰
 至此不知何物為之臘何物為心膈耶唐順
 之日以賦頌之體敘事亦魏晉以後遺調也
 而自黎以誤此明年祀歸又廣廟宮而大之
 情景故用此體祀或作祀非是○治其庭壇改作東西兩序
 至此纔入建廟齊庖之房百用具脩明年其時公又固往不

懈益虔歲仍大和羣女歌詠茅坤曰只此一段氣格正謹於
 祠而省於此始公之至盡除他名之稅罷衣
 此射鴈手也食於官之可去者四方之使不以資交以身
 為帥燕享有時賞與以節公藏私畜上下與
 足於是免屬州負道之緡錢廿有四萬米三
 萬二千斛廿有四萬或作十有八萬賦金之
 州葬金一歲八百困不能償皆以巧之巧一作
 加西南守長之俸誅其尤無良不聽令者由
 是皆自重慎法西南或作四面人士之落南不能歸

者興漁徒之胄百廿八族用其才良而廩其
 無告者其女子可嫁與之錢財令無失時或甘
作二嫁下或有者刑德益流方地數千里不
字非是時或作所識盜賊山行海宿不擇處所事神治人其可
謂備至耳矣或無其字咸願刻廟石以著厥
或無耳字美而繫以詩乃作詩曰
陰或南海陰墟祝融之宅作之即祀于旁帝命南
 伯更脩不躬正自今公明用享錫右我家邦
右或惟明天子惟慎厥使我公在官神人致
作

喜海嶺之陬既足既濡胡不均弘俾執事樞
 公行勿遲公無遽歸匪我私公神人具依

處州孔子廟碑

此篇石本不載年月日
第云朝散大夫國子祭
酒賜紫金象袋韓愈撰今按公時為
祭酒則知在元和十一年作矣杜牧
之書其碑陰云天不生夫子於中國
當何如日不夷狄也夫中國有天地
日月為之主有陰陽鬼神為之祐
夫子巍然統而辨之復引堯舜禹湯
文武周公為之助彼四君若燕昭秦
始漢武梁武臣若李斯商鞅不為
無知一日不信背而之刑名之仙之
釋仍族滅之儻不生子夫子百家盜起
一年一變法百年一改教天下隨時
而宗誰敢非之縱有非之者橫流中

國不知止，沛何依，而為詞彼夷狄之俗，一定而不易，是故必不夷狄如也。我之尊夫子，可謂至矣。蘇長公序六一集論揚墨申韓，然透徹其源，寔出此耳。昔人評孔子廟，漢以來當屬昌黎第一。然及於今，讀之只叙事，暢達其高古，不如平淮西，奇崛不如曹成王，典核不如檇州徐偃王，諱文豈昌黎於聖人之學，未窺其奧，故僅從祀典，立說而止耶。

自天子至郡邑，守長通得祀，而徧天下者，唯社稷與孔子為然。而社祭土，稷祭穀，句龍與弃乃其佐享，非其專主。又其位所不屋而壇，為或作焉。然字屬下句，而社或無而字，稷上乃有而字，皆非是。○通典：頌頌祀其工氏子。

句龍為社，列山氏子，柱為稷，高辛氏，唐虞夏皆因之。殷湯為早遷，柱而以周弃代之。○張文潛曰：廟貌之設，起於後世。豈如孔子用王如祭天地，亦不屋而壇耳。

考事巍然當坐，以門人為配。自天子而下，北面跪祭，進退誠敬，禮如親弟子者。跪祭或作拜，跪薦祭。

○開元二十七年八月，追謚孔子，文宣王，南面而坐，以顏子配享。句龍弃以

功，孔子以德，固自有次第哉。自古多有以功德得其位者，不得常祀。句龍弃孔子，皆不得位，而得常祀。然其祀事，皆不如孔子之盛。所謂生人以來，未有如孔子者，其賢過於堯舜。

遠者此其效歟不加或作無如人或作民以
或作已孔子或作夫○杜牧曰
 自古稱夫子者多矣稱夫子之德莫如孟子
稱夫子之尊莫如韓吏部 邠伯溫曰歐陽公
平生尊用韓退之於其學無少異然退之處
州孔子廟碑云云永叔作穀城縣夫子廟記
乃云后之人徒見官為立祠而州縣莫不祭
之夫子之尊由此為盛甚者乃謂生雖不得
位而有所享以為夫子榮謂有德之報雖
堯舜莫若何其謬論者歟是歐陽以退之為
謬矣雖然韓與歐其 郡邑皆有孔子廟或不
尊夫子之心則一也
 能修事雖設博士弟子或役於有司名存實
 亾失其所業獨處州刺史鄴侯李繁至官能
 以為先繁鄴侯 既新作孔子廟又令工改為

顏子至子夏十人像令或作命顏 其餘六十
 子及後大儒公羊高左丘明孟軻荀况伏生
 毛公韓生董生高堂生揚雄鄭玄等數十人
 皆圖之壁子上或有一字○貞觀二十一年
高堂生等二十二人春秋行釋奠之禮而無
孟軻荀况韓生董生揚雄等伏生即伏勝毛
公即毛萇韓生名嬰董生名仲 選博士弟子
皆高堂生能言禮見漢儒林傳
 必皆其人又為置講堂教之行禮肄習其止
又為守或在其 置本錢廩米令可繼處以
字下置或作設
 守廟成躬率吏及博士弟子入學行釋菜禮

館修撰九月月愈遷吏部時愈未為吏部沈亦未為舍人當是長慶二年則二君官正與此碑同其書元年正月蓋傳模者誤也按舊史公傳云南人矣以柳宗元為羅池神而愈撰碑以實之蓋以是罪公而新史書其事於子厚傳無所褒貶元祐七年六月詔賜唐柳州刺史羅池神廟為靈文之廟以郡人言其雨暘應祈故也田表聖書其碑陰云子厚終於柳州以精多鬼強為羅池之神昌黎叙其事而銘之太意謂子厚宏深之量昭明之識當為星辰為岳瀆胡為在柳州之陋為神其所以推尊甚大世以公此文為詭怪非也士有抱負不克施遭流落以死為明神列鬼魏我廟食理也李衛公竄海上歿矣其精鬼凜然尚能使犬鼠餘黨破膽於夢中不然

退之豈矯誣柳州以求異乎○其序事無足取銘辭似有九歌餘韻而微覺清激晁補之曰此非銘羅池神之文也茅坤曰予覽昌黎碑柳州不畫柳州德政之可載載其死而為神一節似狎而少莊

羅池廟者故刺史柳侯廟也元和十年三月以永州司馬柳

宗元為柳州刺史柳侯為州不鄙夷其民動以禮法

三年民各自矜奮奮下或有曰字从石本茲

土雖遠京師吾等亦天氓今天幸惠仁侯若

不化服我則非人於是老少相教誥莫違侯

令凡有所為於其鄉閭及於其家皆曰吾侯

聞之得無不可於意否莫不忖度而後從事
凡令之期民勸趨之無有後先必以其時於
是民業有經公無負租漚通四歸樂生興事
宅有新屋步有新船步或作涉非是○柳子厚鐵爐步志曰江之滸凡舟可少廢而上下曰步公孔幾志亦有泊步字池園潔脩豬牛鴨雞肥大蕃息子嚴父詔婦順夫指嫁娶葬送各有條法出相弟長入相慈孝先時民貧以男女相質父不得贖盡沒為隸我侯之至按國之故以備除本悉奪歸之大修孔子廟城郭

卷道皆治使端正樹以名木橋民既皆悅喜
卷道或作道卷嘗與其部將魏忠謝寧歐陽翼飲酒
驛亭嘗或作常謂曰吾弃於時而寄於此與若等
好也明年吾將歿歿而為神後三年為廟祀
我及期而歿元和十四年十一月宗元卒○情事有生色三年孟秋
辛卯長慶二年也侯降于州之後堂歐陽翼等見
而拜之其夕夢翼而告曰館我於羅池其月
景辰廟成大祭過客李儀醉酒慢侮堂上得
疾扶出廟門即歿景本作丙避唐諱也○述李儀以慢侮歿事尤妖誕

殊非原明年春魏忠歐陽翼使謝靈來京師

鬼口氣請書其事于石余謂柳侯生能澤其民歟能

驚動福禍之以食其土可謂靈也已福禍或作禍福

作迎享送神詩遺柳民俾歌以祀焉而并刻

之柳侯河東人諱宗元字子厚賢而有文章

嘗位於朝光顯矣已而擯不用茅坤曰叙子厚平生只兩

三語隱約而盡其詞曰

荔子丹兮蕉黃雜肴蔬兮進侯堂蕉下或有葉字或有

子字皆非是侯之船兮兩旗度中流兮風浪之待

侯不來兮不知我悲聞湖湘土人云柳入迎神其俗以一船兩旗置

木馬偶人於舟作樂而導之登岸而趨於廟侯乘駒兮入廟慰我

民兮不頤以笑鵝之山兮柳之水桂樹團團

兮白石齒齒侯朝出游兮暮來歸春與獲吟

兮秋鶴與飛秋鶴與飛歐陽公以為石本之誤或亦作秋與鶴飛沈存中云

非也倒用鶴與兩字則語勢愈健如楚詞云吉日辰良也但此石本團團字初誤刻作團

圓後鐫改之今尚可見則亦石本不能無誤之一證北方之人兮為侯

是非千秋萬歲兮侯無我違福我兮壽我驅

厲鬼兮山之左許頴曰子厚守柳州日築龍城得白石微辨刻畫曰龍城

柳神所守，駟厲鬼山，左首福土，氓制九醜，醜下此子厚自記也。退之亦云云，蓋用此。事無苦濕兮，高無乾。杭稌充美兮，蛇蛟結蟠。音杭庚稌，徒古切。又音土。○此我民報事兮，無怠其始。自今兮，欽于世世。

黃陵廟碑

石本首題云通議大夫守尚書兵部侍郎上柱國賜紫金魚袋韓愈撰。正議大夫守潭州刺史兼御史中丞湖南都團練觀察安撫使上柱國賜紫金魚袋沈傳師書。今本多誤。據歐陽公集古錄云：當以碑為正。○曾子開曰：湘水出全瀟水出道二水至永合而為一，以入洞庭。黃陵廟在瀟湘之尾洞庭之且孫氏曰廟在潭州之湘陰縣北八十里或云

在岳州。○詳辨博雅已絕無可疑。非考於文者不能作。唐順之曰：此文用爾雅說文體。別是一調。

湘旁有廟曰黃陵。筆墨間錄云黃陵廟碑首言湘旁即龜策傳言江旁也。老人自前古以祠堯之二女舜二妃者，庭有石碑斷裂分散在地。其文剝缺，石或作古或無此字攷圖記言漢荊州牧劉表景升之立題曰湘夫人碑。表字景升東漢人碑未為荊州刺史今驗其文乃晉太康九年又其額曰虞帝二妃之碑。非景升立者。秦博士對始皇帝云湘君者堯之二女舜妃者

也事見史記秦始皇廿七年劉向鄭玄亦皆以二妃為湘君而離騷九譔既有湘君又有湘夫人王逸之解以為湘君者自其水神而謂湘夫人乃二妃也從舜南征三苗不及道歿沅湘之間及或作反據山海經曰洞庭之山帝之二女居之郭璞疑二女者帝舜之后不當降小水為其夫人因以二女為天帝之女石本書璞多然小水或作小君或作小水是也以余攷之璞與王逸俱失也堯之長女娥皇為舜正如故曰君其

二女女英自宓降曰未人也故九譔離謂娥皇為君謂女英帝子各以其盛者推言之也帝上或禮有小君君母明其正自得稱君也或有為字或無君書曰舜陟方乃歿傳謂舜昇道南方母二字以歿作昇或或又曰舜歿葬蒼梧二妃從之不及溺歿沅湘之間余謂竹書紀年帝主之沒皆曰陟陟昇也謂昇天也紀年書名晉太康元年汲郡人發冢得之起夏殷至魏哀王以竹簡寫之故謂之竹書書曰殷禮陟配天言以道終其德協天也書紀舜之沒云陟者

與竹書周書同文也其下言方乃死者所以
釋陟為歿也地之勢東南下如言舜南巡而
歿室言下方不得言陟方也以此謂舜歿葬
蒼梧於時二妃從之不及而溺者皆不可信
溺下或二妃既日以謀謬舜脫舜之厄成舜
有歿字之聖堯歿而舜有天下為天子二妃之九室
常為神食民之祭今之渡湖江者莫敢不進
禮廟下湖或作潮非是又或作湘元和十四年春余以言
事得罪黜為潮州刺史其地於漢南海之揭

陽揭音竭石本作揭○漢地理志厲毒所聚

懼不得脫歿過廟而禱之其冬移袁州刺史

明年九月拜國子祭酒元和十四年十月以

九月自袁州名使以私錢十萬抵岳州願易

廟之地刺史王堪長

慶元年刺史張愉自京師往與愉故善與上

然石本無之不欲禱也謂曰巧我一碑石載

二妃廟事且令後世知有子名愉曰諾既至

州報曰碑謹具遂篆其事俾刻之

唐故江南西道觀察使中大夫洪州刺
史兼御史中丞上柱國賜紫金魚袋

贈左散騎常侍太原王公神道碑銘

王仲舒為連州司戶公今連之陽山
仲舒觀察江西公為袁州刺史公既
為作燕喜亭記修滕王閣記今誌其
墓又書神道碑新史並取公碑誌作
傳○書王仲舒
吏職處特明簡

王氏皆王者之後在太原為姬姓者下或無
之字○周

靈王太子晉以直諫廢為庶
人時人號曰王家因以為氏春秋時王子成

父敗狄有功因賜氏左傳文十一年鄭賁侵
齊王子成父獲其弟曰

榮厥後世居太原至東漢隱士烈烈字彥芳
東漢有傳

博士徵不就居祁縣後漢徵君霸始居太
原霸子殷別居祁縣因

號所居鄉為君子下或有
鄉字公其君子鄉人也

魏晉涉隋世有名人國朝太王父玄暕暕古
限切

歷御史屬三院止尚書郎三院謂侍御史殿
中侍御史監察御

史玄暕終比
部員外郎生景胤守三郡終傳涼王生政

襄鄧等州防禦使鄂州採訪使贈吏部尚書

公尚書之弟某子公諱仲舒字弘中或作諱
弘中字

某後墓志同今按一句已
當再出當刪然無別本可據始存之不孤

奉母夫人家江南讀書著文其譽藹鬱當時
 名公皆折官位輩行願為交浪行下貞元初
 策拜左拾遺貞元十年十一月仲舒中賢良
方正直言極諫科起拜拾遺
 與陽城合過裴延齡不得為相德宗初快快
 無奈久而嘉之或無而字之或作
其下又有直字其後入閣
 德宗顧劉謂宰相曰第幾人必王某也果然
 月餘特改右補闕或無
右字遷禮部攷功吏部三
 員外郎在禮部奏議詳雅省中伏其能伏或
作服
 在攷功吏部提約明故吏無以欺同列有恃

恩自得者眾皆媚承公嫉其為人不直視或
無
 人由此貶連州司戶貞元十九年王叔文用
事弘中自吏部員外郎
 責連州移夔州司馬又移荆南因佐其節度
 事為參謀得又品服或無事字○為荆
南節度裴均參謀放跡
 在外積四年元和初收拾俊賢徵拜吏部員
 外郎未幾為職方郎中知制誥友人得罪斥
 逐後其家親知過門縮頸不敢視公獨省問
 為計度論議直其寃由是出為岷州刺史或
峽
 作缺○友人
 謂揚憲也 轉廬州未至丁母夫人憂服除

又為發州時疫旱甚人歿亾且盡公至多方
救活天遂雨疫定比數年閭里完復制使出
巡人填道迎顯公德顯或作頌事具聞就加金紫
轉蘇州變其屋居以絕火延隄松江路害絕
阻滯火上或有其秋夏賦調自為書與人
期吏無及門而集政成為天下守之最政或作化
天子曰王某之文可思最宏為誥有古風豈
可久以吏事役之復拜中書舍人既至京師
儕流無在者視同列皆邈然少年益自悲而

謂人曰豈可復治筆硯於其間哉上若未弄

臣宜用所長在外久周知俗之利病或無利字非是

俾治之當不自愧宰相以聞遂得觀察江南

西道元和十一年六月奏罷權酷錢九千萬

千或作十軍息之無已掌吏壞產猶不釋囚之公

至脫械不問人遭水旱賦窘公曰我且減燕

樂絕他用錢可足乎遂以代之或無是字代

罷軍之息錢禁浮屠誑誘壞其舍以葺公宇

息上或有三年法大成錢餘於庫粟餘於廩人

享於田廬謠謠於道途廬上或無天子復思

且徵以代虛吏部左丞位以待之長慶三年

十一月十七日薨於洪州年六十二上哀慟

輟朝贈左散騎常侍某日歸葬於某處或無

於字○長慶四某既以公之德刻而藏之墓

年二月葬河南○或無某字某或

矣子初又請詩以揭之作愈○仲舒七子初

哲貞弘詞曰

生人之治本乎斯文有事其末而忘其源切

近昧陋道由是堙有志其本而泥古陳當用

而迂乖戾不伸較是二者其過也均有美王

公志儒之本達士之經秩秩而積涵涵而停

韡為華英不矜不盈韡為諸本作韡孰播其

馨孰發其明介然而居士友以傾敷文帝階

擢列侍從以忠違各有直有諷辨遇堅懇巨

邪不用堅懇或秀出班行乃勳帝日帝省竭

心恩顧日渥翔于郎署騫于禁密發帝之令

簡古而蔚不比于權以直友寃敲撼拌摠竟

遭斥奔父淹于外歷守太藩所至極思必悉

利病萎枯以膏燠暵以醒暵或作暵坦之或作坦做之必
 絕其徑浚之澄之使安其泳帝思其文復命
 掌諾公潛謂人此職室少豈無洞郡庸以自
 效上藉其實俾統于洪洪或作籍連滯彼除茲訛
 革風祛蔽于且釋負于躬方乎所部禁絕淫
 屬乎或作乎風雨順易秬稻盈疇人得其所乃恬
 乃或作所謳或作詠化成有代思以息勞虛位而
 埃奄忽洎洎奄忽或作勿隨維德維績志于斯石日
 遠彌高此銘有美王公不用韻未章績石二句又自吐韻而未句高字仍與勞洎

韻叶又
 一例也

唐韓昌黎集卷第三十一

三十一

唐韓昌黎集卷第三十一終

唐書目錄卷第三十一終

